

Foto: Holger Wahl



Abschiedsworte bei der Mini-Verabschiedung (21. August 2022) von Elisha Schmidlin

Also i hoff, dir gseht mi mittlerweile alli guet hingerem Altar, wüll das isch nid immer eso gsi. Mini Kollege si teilwiis scho sehr frieh zgross gsi für alli Ministrantchleider und i has bis jetzt am Schluss gschaftt, dass mir s'Gröschte no guet goht. Aber wenigstens bin i echli grösser worde.

I möchte euch hüt e paar Anekdote vo minere Minizit vrzelle: Fange mir mit mim Highlight a. D'Reis nach Hamburg. Mir hei dört villi unvergessliche Moment erlebt unger angerem, wo i dr erschte Nacht s'Bett vo eim vo mine Kamerade zämmekeit isch. Das isch e Glächter gsi. Natürlich blibe mir au eusi Usflüg uf Ruscht in beschter Erinnerung. Usser, wo mir chli gsi si und mir immer mit de Maitli uf die doofe Märlibahne hei

müesse.

Was mir au no sehr präsent isch, isch gsi, dass mir bim erschte Gottesdienst, wo mir Wiehrauch brucht hei, sehr überrascht gsi si, dass dr Pfarrer dr Wiehrauch mindschtens so toll und spannend gfunge het, wie mir chline Buebe. I weiss no ganz genau, dass mir mi Vater, de het dr Wiehrauch im übrige so gar nid gern, vorem Gottesdienst gseit het, mir sölle doch weni dridue und en nid zfescht umechwinge. Nachdäm dr Pfarrer denne d'Wiehrauchbhälter ordentlich gfüllt ka het, hets für eus kei Halte meh geh und mir hei das Ding uf sini Awissig so fescht gschwunge, das nach 10 Minute eus allne schlächt gsi isch.

I dene Johre han i wirklich vill glernt: Vill Geduld, brav sitze ohni z'lache, Lieder singe und dr Ablauf vomne Gottesdienst.

A was i mi au no gärn erinnere isch d'Firmvorbereitung gsi, wo mir am 3 am Morge ir Karnacht i dr Chilche gsässe si und kei Wort hei dörfe säge, sondern eus hei müesse uf eus konzentrierere. I dr erschte Viertelstung hani wirklich das gmacht, wo dr Pfarrer eus gseit het, nämlich über euses Lebe noch z'denke und mini Beziehung zu Gott. Das isch eigentlich no guet glunge. Nach dr zweite Viertelstung bi i echli abdriftet und ha mini Gedanke chrüz und quer duure Chopf loh goh. Es isch unglaublich, was eim alles i Sinn chunnt, wenn meh innere dunkle Chilche zmits i dr Nacht hoggt. I muess jetzt aber ehrlich zuegä, das i dr letschte Viertelstung i nüm gwüsst ha, was i söll danke. Drfür han i denn a dr Decki obe avo Drüeckli zelle.

Was au immer speziell gsi isch für mi, si am Pfarrer sini Predigte. Do hets für mi villi erstunliche Moment gä. I bi mehr als eimol nochdänkligh heiglofe und ha öppis zum Studiere ka. Mir hei au vill mol nachemene Gottesdienst unger eus Minis oder mit eusne Familie zämme über die hütige Themene diskutiert und dass isch öppis für mi, wo e guete Gottesdienst usmacht und euse Pfarrer eifach super cha.

Liebe Herr Pfarrer, danke, dass dir eus so vill gueti Momänt geschänkt heit, dass dir eus ungerstützt heit, mit eus glacht, aber mängisch, wenn mir Seich gmacht hei, au sträng gluegt heit. Dir sit e super Pfarrer und i wird die Zit nit vrgässe.

Danke au am ganze Team, wo hingedra für eus Minis gschaftt het. Dir sit alli eifach toll.

Elisha Schmidlin

An dieser Stelle nochmals ein herzliches Dankeschön an David, Elisha, Géraldine, Nicolas, Niklas, Noah und Sina für eure Dienste und die schönen Abschiedsworte und Abschiedsgeschenke. Vergelts Gott!

Pfr. Franz Sabo und Team

AGENDA

Sonntag, 11. September

10.00 Gottesdienst mit Eucharistie (Pfr. Franz Sabo)
Heilige Messe für: Aloisia und Willy Imhof-Diethelm, Marie Gunti-Jung, Rita Schneider-Cueni und die armen Seelen, Irma und Marcel Schnell-Cueni, Pfr. René Schnell, Paul Schnell-Joray
Kollekte: Seniorenzentrum Rosengarten Laufen
Orgel: Fabienne Studer

Mittwoch, 14. September

17.45 Mini-Bräteln
Treffpunkt beim Pfarrhaus

Donnerstag, 15. September

9.00 Gottesdienst mit Eucharistie (Pfr. Franz Sabo)
Orgel: Vinzenz Stich
anschl. Donnschtigskaffi

Sonntag, 18. September

Eidg. Dank-, Buss- und Bettag
10.00 Wortgottesdienst mit Kommunionfeier (Fabienne Jermann)

Kollekte: Bettagskollekte für die Inländische Mission
Orgel: George Tissot

Donnerstag, 22. September

Kein Gottesdienst

Sonntag, 25. September

10.00 Gottesdienst mit Eucharistie (Pfr. Franz Sabo)
Heilige Messe für: Josefine und Otto Segginger und Kinder, Ruedi Schmidlin-Segginger, Maria, Felix und Franz Hagenbuch, Josef und Roland Chételat
Jahrzeit für: Bruno Karrer-Borner, Emma und Othmar Karrer-Meier, Rudolf Karrer, Rosa Segginger und Helen Segginger, Marie Weber, Ottilia Schnell-Müller, Edi Schnell-Wyrtsch

Kollekte: Tag der Migrantinnen und Migranten (Ausbildungsunterstützung)
Orgel: Gabriel Gully

11.00 Taufe von Noé Brechbühl

Katholisches Pfarramt

Pfarrweg 6, 4244 Röschenz
061 761 62 34
kircheroeschenz@bluewin.ch
www.kircheroeschenz.ch

Öffnungszeiten

Montag 16.30-18.00 Uhr
Donnerstag 8.30-12.00 Uhr

Sekretariat

Barbara Karrer-Erzer 076 533 33 64

Seelsorge

Franz Sabo, Pfarrer 079 555 39 84
Fabienne Jermann, Katechetin 061 761 71 30

Sakristanin

Sabina Hänggi 079 217 30 76